

**A** *rubá***A** *ntaño*

Ultimamente Monumentenzorg ta haciendo un esfuerzo pa conserva of restaura edificionan of santananan cu tin parti di nos historia for di tempo pasa. Nos grafico ta ilustra awe den nos Aruba Antaño uno cu tin ainda parti di dje (foto) den e hide-out (e ruina den Fort Zoutmanstraat) di e chollernan cu tin un tiki di e historia di nos Aruba Antaño.

E foto ta mustra nos ainda un pida di e prome pantalla di cine na e muraya, unda e prome pelicula mudo a ser exhibi ariba Aruba. Ademas di esey e edificio cu awe ta nada mas cu un di e mahos bistanan den nos Oranjestad, y mas ainda den bista di nos gobernantenan, e edificio tin mas ainda fuera di e prome caminda cu pelicula a ser pasa na Aruba, e edificio tambe por ser bisa ta caminda e promer corantnan y drukkerij cu tabatin, pega cu loke nos ta yama boulevard y cu antes tabata parti di Heintje Croes, caminda ta haya noticia ora cu tin losmento di carson.

Asina tambe tin varios cu pa un motibo no conoci esaki nan no a ricibi nan consideracion pa ser mantene. Tur parti di mundo hasta e prueba ta di mantencion, ta esun despues di e ruina causa door di bombardeonan den segunda guerra mundial, unda cu tanto Hulanda como Alemania, a ricibi restauracion di esakinan.

Ta di lamenta cu falta di conocimiento y door di modernisa nos isla, e balor di esakinan a bay perdi. Apenas a keda un paar di nan ainda, y cu ta ser mantene. Pero nos ta spera cu e Monumentenzorg lo haya tur e sosten necesario pa conserva y tene na bida nos historia den restaura e poco cu a keda.